

# Rumantsch grischun vegn en scola

Enfin il december tschenta la regenza ils davos binaris areguard il rumantsch grischun en scola.

L'avust 2003 ha il cussegl grond decidì d'edir ils novs meds d'instrucziun rumantschs a partir dal 2005 sulettamain en rumantsch grischun (rg). A medem temp è la regenza vegnida incumbensada d'elavurar in concept per l'introducziun da quel en scola. Il departament d'educaziun ha incaricà ina grupp da lavur da formular emprimas propostas. Dacurt ha quella preschentà sia lavur. Ella propona d'introducir il rg sin

fundament da trais variantas: «Pionier», «standard» e «consolidaziun.» Las trais variantas na sa distinguan betg areguard il cuntegn, mabain areguard il tempo. La varianta «pionier» preveda l'introducziun dal rg a moda activa davent da l'onn da scola 2007/08. Quellas scolas che sa decidan a moda voluntaria per quella varianta, retschaivan dal chantun in sustegn finanziel spezial. Enfin lu duessan ils meds



FOTO: HANS HUONDER

*Cusseglia governativ Claudio Lardi a la preschentaziun dal concept da basa.*

d'instrucziun per l'emprima classa esser avant maun. La varianta «standard» preveda l'introducziun activa l'onn 2011/12 e la varianta «consolidaziun» l'onn 2015/16. Dal

concept davart il rg en scola san ins prender invista sin la pagina d'internet. Enfin mez november sa in e scadin prender posiziun tar quel. *anr/hh*

[www.rumantsch-grischun.ch](http://www.rumantsch-grischun.ch)